

פרק קד

- {א} בָּרְכֵי נַפְשֵׁי אֶת יְהוָה יְהוָה אֱלֹהֵי גְדֻלַּת מְאֹד הוֹד וְהִדְר לְבָשֶׁת:
- {ב} עֵטָה אֹזֶר כְּשִׁלְמָה נוֹטָה שָׁמַיִם כִּירִיעָה:
- {ג} הַמְקַרְה בַּמַּיִם עֲלִיּוֹתָיו הַשָּׁם עָבִים רְכוּבוֹ הַמְהַלֵּךְ עַל כַּנְפֵי רוּחַ:
- {ד} עֹשֶׂה מְלֶאכֶיו רוּחוֹת מְשֻׁרְתָיו אֵשׁ לְהִט:
- {ה} יָסַד אֶרֶץ עַל מְכוּנָיָה בַּל תְּמוּט עוֹלָם וְעַד:
- {ו} תְּהוֹם כְּלָבוּשׁ כְּסִיתוֹ עַל הָרִים יַעֲמִדוּ מַיִם:
- {ז} מִן גַּעְרָתָךְ יִנוּסֶן מִן קוֹל רַעְמֶךָ יַחֲפֹזֶן:
- {ח} יַעֲלוּ הָרִים יִרְדּוּ בְּקַעוֹת אֵל מִקוֹם זֶה יִסְדֶּתָ לָהֶם:
- {ט} גְּבוּל שְׁמֵת בַּל יַעֲבֹרֶן בַּל יִשׁוּבוּן לְכִסּוֹת הָאָרֶץ:
- {י} הַמְשַׁלַּח מַעֲיָנִים בְּנַחְלִים בֵּין הָרִים יַהֲלִכוּן:
- {יא} יִשְׁקוּ כָּל חֵיתוֹ שְׂדֵי יִשְׁבְּרוּ פְּרָאִים צִמְאָם:
- {יב} עֲלִיָּהֶם עוֹף הַשָּׁמַיִם יִשְׁכּוּן מִבֵּין עֲפָאִים יִתְנוּ קוֹל:
- {יג} מִשְׁקָה הָרִים מַעֲלִיּוֹתָיו מִפְּרֵי מַעֲשֵׂיךָ תִּשְׁבַּע הָאָרֶץ:
- {יד} מִצְמִיחַ חֲצִיר לְבִהמָה וְעֵשֶׂב לְעִבְדַת הָאָדָם לְהוֹצִיא לָהֶם מִן הָאָרֶץ:
- {טו} וַיִּין יִשְׁמַח לִבָּב אָנוּשׁ לְהִצְהִיל פָּנִים מִשְׁמָן וּלְחֵם לִבָּב אָנוּשׁ יִסְעַד:
- {טז} יִשְׁבְּעוּ עֵצֵי יְהוָה אֲרָזֵי לְבָנוֹן אֲשֶׁר נָטַע:
- {יז} אֲשֶׁר שָׁם צִפְרִים יִקְנְנוּ חֲסִידָה בְּרוֹשִׁים בֵּיתָה:
- {יח} הָרִים תִּגְבְּהִים לִיעֲלִים סִלְעִים מַחֲסֵה לְשִׁפְנִים:
- {יט} עֹשֶׂה יָרַח לְמוֹעֲדִים שֶׁמֶשׁ יָדַע מְבוֹאוֹ:
- {כ} תִּשֶׁת חֲשֶׁךְ וַיְהִי לַיְלָה בּוֹ תִרְמַשׁ כָּל חֵיתוֹ יַעַר:
- {כא} הַכְּפִירִים שְׂאֲגִים לְטָרֶף וּלְבָקֶשׁ מֵאֵל אֲכָלָם:
- {כב} תִּזְרַח הַשֶּׁמֶשׁ יֵאֲסֹפֶן וְאֵל מַעֲוֹנָתָם יִרְבֹּצֶן:
- {כג} יֵצֵא אָדָם לְפַעֲלוֹ וּלְעִבְדָתוֹ עַדֵי עָרֵב:
- {כד} מִה רַבּוּ מַעֲשֵׂיךָ יְהוָה כֹּלָם בְּחִכְמָה עֲשִׂיתָ מְלֶאכֶה הָאָרֶץ קִנִּינֶךָ:
- {כה} זֶה הַיָּם גְּדוֹל וְרַחֵב יָדַיִם שָׁם רָמַשׁ וְאִין מִסְפָּר תִּיּוֹת קִטְנוֹת עִם גְּדֻלוֹת:
- {כו} שָׁם אָנִיּוֹת יַהֲלִכוּן לִוְיָתָן זֶה יִצְרֶתָ לְשִׁחַק בּוֹ:
- {כז} כֹּלָם אֲלִיךָ יִשְׁבְּרוּן לָתֵת אֲכָלָם בְּעֵתוֹ:
- {כח} תִּתֵּן לָהֶם יִלְקֻטוּן תִּפְתַּח יָדְךָ יִשְׁבְּעוּן טוֹב:

{כט} תִּסְתִּיר פְּנֵיךָ יִבְהַלֵּן תִּסַּף רוּחָם יִגְוַעוּן וְאֵל עֲפָרָם יִשׁוּבוּן:
{ל} תִּשְׁלַח רוּחְךָ יִבְרָאוּן וְתַחֲדָשׁ פְּנֵי אֲדָמָה:
{לא} יְהִי כְבוֹד יְהוָה לְעוֹלָם יִשְׁמַח יְהוָה בְּמַעֲשָׂיו:
{לב} הַמִּבְיֵט לְאָרֶץ וְתִרְעַד יִגַּע בְּהָרִים וַיִּעֲשֶׂנוּ:
{לג} אֲשִׁירָה לַיהוָה בְּחַיֵּי אֲזַמְרָה לַאלֹהֵי בְּעוֹדֵי:
{לד} יִקָּרַב עָלָיו שִׁיחֵי אֲנָכִי אֲשַׁמַּח בִּיהוָה:
{לה} יִתְמוּ חַטָּאִים מִן הָאָרֶץ וּרְשָׁעִים עוֹד אֵינָם בְּרַכִּי נַפְשִׁי אֶת יְהוָה הַלְלוּהָ: